


Халол меҳнат қил, даромад топ, оиласнгни тебрат



Одамлар ичига кириб бориш, халқ ташвишлари, муаммолари ва эҳтиёжларини ўрганиш, уларни адолатли тарзда хал этиш давлат ижро ва бошқарув идораларининг иш услубига айланмоқда.

Халқ билан мuloқot va инсон манфаатлари йили эълон қилингач, дастлаб ҳукумат даражасида виртуал қабулхона орқали мурожаатларни кўриб чиқиши жорий қилинди. Оддий фуқаролар тақдиди билан боғлиқ бўлган ҳамда йиллар давомида ечими пайсалга солинаётган муаммоларни бартараф этиш механизми яратилди.




Худудларда, хусусан Андижон вилоятида Президент халқ қабулхоналари (жами 17 та) ташкил этилиши мазкур мuloқotning иккинчи босқичини белгилаб берди. Эндилиқда эса бевосита жойларга чиқиб, аҳоли билан ишлаш тартиби жорий қилинмоқда. Яъни мuloқotлар мурожаат қилувчиларнинг хонадонларида олиб борилмоқда.

Шунга кўра вилоят ҳокими Шуҳратбек Абдураҳмонов бошчилигига 70 дан зиёд вилоят ташкилоти, идора ва муассасаси раҳбарлари шаҳрихонликлар билан учрашди. Мuloқot аввалида вилоят раҳбари барча жабҳаларда олиб борилаётган ишлар хусусида тўхталди. Коммунал соҳа, меҳнат ва бандлик, йўлсозлик, уй-жой қурилиши, ҳуқуқ-тартибот, соглиқни сақлаш ва таълим, ижтимоий-маънавий соҳаларидаги ислоҳотлар баробарида бартараф этилиши зарур бўлган камчиликлар рўй-рост тилга олинди. Айни вактда фуқаролардан ҳам истак-интилиш, харакат, ташаббус кўрсатиб меҳнат қилиш пайти келганлиги алоҳида қайд этилди.

Аҳоли вакилларининг муаммоларини хал қилиш учун келган мутасаддилар бир неча соат давомида барча мурожаатларни дикқат билан ўргандилар. Уларнинг аксарияти жойида ечимини топди. Хусусан,

туман соғлиқни сақлаш тизими учун 5 та янги қаралып калған автомашинаси хали мулокот тугамасдан келтирилди ва тантанали равишда қишлоқ оиласи поликлиникаларга тақдим этилди. Ахоли талабидан келиб чиқиб суюлтирилган газ баллонлари ҳам шу ернинг ўзида етказилди.



-Дасталабки икки соатда қарийб 50 та мурожаат рўйхатга олинди, - дейди Шахриён Салохиддинов. Ҳар бири бўйича қоникарли жавоб берилди. Шуни ҳам айтиш жоизки, суюлтирилган газ баллонлари биринчи навбатда кам таъминланган оиласларга белгиланган нархларда тарқатилиши кўзда тутилган. Мурожаатлар ўрганилганда газ баллонларини сотиб юбориб, яна талаб қилаётгандар ҳам борлиги маълум бўлди. Бундайларга тартиб-қоида ва меъёрлар тушунтирилди.

Ўзбекистон Республикаси Президентининг вилоятимизга ташрифи чоғида арzon нархлардаги янги намунавий лойиҳалар бўйича яна 1000 та уй қуриш кўрсатмаси берилганди. Зичлик борасида олдинги ўринларда турувчи Шахриён учун мазкур муаммонинг долзарблиги, Юртбошимизнинг кўрсатмаси айни шу каби фуқаролар манфаатлари йўлидаги иш эканлиги ўз исботини топлади.

-Оиласда 12 жонмиз, - дейди Шахриён шаҳрида истиқомат қилувчи Минурахон Насирдинова. 39 Га кирган ўғлимни уйлашим керак. Арzon уйлардан бирини сотиб олишга имкониятимиз бор. Бундай уйлар биринчи навбатда айнан биз кабиларга берилиши керак.

Шахриён ҳунармандлар ва тадбиркорлар юрти. Кредит олиш, ишлаб чиқаришни йўлга қўйиши, оиласи бизнесни ривожлантириш хусусида ҳам кўплаб мурожаатлар қайд этилди. Банк мутасаддилари ҳар бир мурожаат юзасидан батафсил маълумот ва маслаҳатлар бердилар, зарур хужжатлар расмийлаштирилди. Жумладан, 3 миллион сўмгача миқдордаги кредит олиш учун маҳалла фуқаролари йигинининг кафолати етарли бўлади. 7 миллион сўмгача маблағ талаб этилса, учинчи шахс кафиллиги зарур. Янада катта миқдордаги кредит сўралса, автомашина ёки кўчмас мулкни гаровга кўйилиши кераклиги тушунтирилди.

-Ёшим саксондан ошди, - дейди Шукуржон Холиков. 7 нафар келин олдим, икки қизни узатдим. 24 нафар набирам бор. Ҳозир ҳам кетмон ушлашдан қолганим йўқ. Халқни сўраб келиш авваллари бўлмаган. Халол меҳнат қил, даромад топ, оилангни тебрат дейилмоқда. Шароитлар ҳам топилади. Замонамидан нолиш ўринсиз.

Оқсоқол билдирған фикр айни бугунги рух, бугунги талаб, бугунги интилишни ифода қилмоқда.

Саидахмад Шукуров.